

Tak tahan asyik **kena pindah**

Mangsa banjir di Kampung Air Kuning, Padang Jawa rayu sistem saliran dibaik pulih segera

■ NOR AZIHAN MD GHAZALI

SHAHALAM - Seramai lima lagi keluarga melibatkan 24 ahli keluarga dipindahkan ke Pusat Pemindahan di Dewan Majlis Bandaraya Shah Alam (MBSA), Padang Jawa di sini semalam berikutan banjir merbak ke beberapa kediaman berdekatan di Kampung Air Kuning, Padang Jawa, di sini.

Kini, jumlah kesemua keluarga yang dipindahkan adalah 14 melibatkan 47 ahli keluarga dari kampung sama.

Ketua Balai Bomba dan Penyelamat Seksyen 15, Khairi Daud berkata, jumlah itu meningkat kerana banjir di kawasan itu belum lagi surut.

"Air di kawasan itu bertakung dan ia juga berkaitan dengan sistem saliran bermasalah yang menyebabkan air sukar dialirkan keluar.



DANALETCHUMI

"Kawasan ini kerap banjir, setiap kali hujan lebat, ia berpotensi untuk banjir dan masuk kali ini ia sudah lebih lima kali," katanya kepada *Sinar Harian*, semalam.

Seorang mangsa banjir, D Danaletchumi, 35, yang ditemui berkata, kali ini sudah lebih 10 kali kawasan Kampung Air Kuning dinaiki air.

"Sudah lebih 10 kali juga



RATHMAL

saya, ibu, adik dan tiga anak terpaksa berpindah ke pusat pemindahan banjir ini," katanya ketika ditemui di pusat pemindahan banjir.

Dia yang juga ibu tunggal berkata, setiap kali banjir, habis semua peralatan dalam rumah ditenggelami air.

Sementara itu, seorang lagi mangsa yang juga ibu tunggal, G Rathmal, 40, ber-



Mangsa banjir masih ditempatkan di pusat pemindahan banjir di Dewan MBSA Padang Jawa, semalam.

kata, pihaknya yakin banjir di kawasan itu kerap berlaku disebabkan sistem saliran yang tidak berfungsi.

"Kami tak sanggup lagi berdepan kejadian sama. Bila

hujan lebat, banjir akan melanda dan kami mesti kena pindah," katanya.

Sinar Harian dimaklumkan, pihak Jabatan Pengaliran dan Saliran (JPS) sedang me-

laksanakan kerja-kerja mengepam keluar air banjir dari kawasan kampung itu ke luar kawasan bagi membolehkan mangsa banjir dapat pulang ke rumah masing-masing.